

醫說卷第一

宋張杲原著

明王肯堂續輯

三皇歷代名醫

太昊宓犧氏

宓犧氏以木德王風姓也一曰庖犧氏亦曰太昊地
首人身生有聖德母號華胥都於陳作瑟有三十六
絃其理天下也仰則觀象於天俯則觀法於地鳥獸
之文與地之宜近取諸身遠取諸物於是造書契以
代結繩之政畫八卦以通神明之德以類萬物之情
所以六氣六腑五臟五行陰陽水火升降得以有象

百病之理得以類推炎黃因斯乃嘗味百藥而制九

鍼以拯天枉矣

出帝王世紀

炎帝神農氏

炎帝神農氏長於姜水因而姓姜人身牛首生有聖德始教天下耕種五穀而食之以省殺生之弊嘗味草木宣藥療疾以救天傷之命百姓日用而不知著本草四卷至梁陶弘景以名醫別錄加之爲七卷逮于我唐統極英國公李勣許孝密蘇敬宗等奉詔更復採摭去陶氏之乖違辨俗用之紕紊新修爲二十

卷于今行焉

出帝王世紀及本草論序

黃帝

黃帝有熊氏少典之子姬姓也長于姬水龍顏有聖德生而能言役使百靈可謂天授自然之體也猶不能坐而得道故以地黃元年正月甲子將遊名山以求神仙時方明力牧從焉東到青丘見紫府先生受三皇天文以效萬神至具茨而見大隗君而受神芝圖至蓋上見中皇真人受九茹散方至羅霍見黃蓋童子受金銀方十九首適崆峒而問廣成子受以自然經造峨嵋山並會地黃君受以真一經入金谷問導養而質玄素二女著體診則問對雷公岐伯伯高

少俞之論備論經脉傍通問難以爲經教制九鍼著
內外術經十八卷陟王屋山玉闕之下清齋三日乃
登於玉闕之上入瓊琳臺於金杙之上得玄女九鼎
神丹飛香鑪火之道乃於茅山採禹餘糧烹之得銅
遂還荆山之下鼎湖之上參鑪定藥虎豹萬羣爲之
視火九鼎神丹成有黃龍下迎黃帝上昇羣臣後宮
從上者七十餘人其小臣不得上乃悉持龍髯拔墮
帝弓萬姓仰望帝既上昇乃抱其弓與髯而號故後
世因名其處爲鼎湖其弓名烏號

出帝王世紀太清
皇帝九鼎丹經

巫彭初作醫周官曰五穀五藥養其五氣五聲五

色視其生觀之以九竅之變參之以五臟之動遂有

五毒攻之以五藥療之以五氣養之以五味節之以

祛百病

山史記及周書

巫咸

巫咸堯臣也以鴻術為帝堯醫又出世本曰巫咸初

作筮

出郭璞巫咸山序及世本

岐伯

岐伯黃帝臣也帝使岐伯嘗味草木典主醫疾經方

本草素問之書咸出焉

山史記及世本

俞跗

俞跗者黃帝臣也善醫術所治病不以湯液醪醴饒
石蹻引案杙毒熨一撥見病之應因五臟之輸乃割
皮解肌決脉結筋剔髓腦揲荒正暴湔浣腸胃漱滌
五臟鍊精易形以去百病焉

出史記

桐君

桐君者黃帝時臣也撰藥對四卷及採藥錄說其花
葉形色論其君臣佐使相須至今傳焉

出本草
經序論

雷公

雷公者黃帝時臣也善醫術黃帝燕坐召雷公而問

之汝受術誦書者若能覽觀雜學別異比類通合道理務明之可以十全若不能知爲世所怨又曰子知醫之道乎誦而頗能解解而未能別別而未能明明而未能彰足以治羣僚不足以治侯王雷公避席再拜曰臣年幼小矇愚以惑不聞臣受業傳之以教誦脉經上下篇衆多矣至於別異比類由未能以十全又安足以明之云

素問

伯高 少俞

伯高少俞並黃帝時臣未詳其姓輔佐黃帝詳論脉經對揚問難經究盡義理以爲經論故人至于今賴

之系問

馬師皇

馬師皇者黃帝時獸醫也善知馬形氣生死之診治之輒愈後有龍下向之垂耳張口師皇曰此龍有病我能已之也乃鍼其脣及口中以甘草湯飲之而愈又數數有龍出其陂造而治之一旦龍負之而去不知所之也

列仙傳

秦長桑君

長桑君者六國時人不知何許人也時人莫有識者扁鵲少時爲人舍長舍客長桑君過扁鵲心自奇異

之常謹以禮遇長桑君亦知扁鵲非常人也乃悉取其禁方書盡與扁鵲

出史記

醫緩

醫緩春秋時秦人也未詳其姓晉景公病求醫於秦伯伯使醫緩治之未至公夢二豎子相謂曰彼良醫也懼傷我焉將逝之其一曰我居肅之上汝居膏之下若我何緩至謂公曰疾不可爲也在肅之上膏之下攻之不可達之不及

達爲鍼也

藥不至焉不可爲也公

曰良醫也厚禮而歸之

出左傳

醫和

醫和者春秋時秦國人未詳其姓晉侯有病求醫於
秦伯伯使醫和視之曰疾不可爲也是謂近女室疾
蠱非鬼非食惑以喪志喪志爲惑女色良臣將死天命不祐
趙孟曰良醫也厚其禮而歸之並春秋左氏傳

文摯

文摯者春秋時宋國良醫也洞明醫道亦兼異術龍
叔子謂之曰子之術微矣吾有疾子能已之乎文摯
則命龍叔背明而立文摯從後向明而熟視之曰嘻
吾見子之心矣方寸之地虛矣幾聖人也子心六孔
流通一孔不達今聖智爲疾惑由此乎治之遂愈

醫旬

醫旬者秦之良醫也莫知其姓張子背腫命旬治之
張子謂之曰非吾背也任子制焉治之遂愈大身之
與國而猶此也必有所委然後治之

出尹子

鳳綱

鳳綱者漢陽人也常採百草花水漬之瓮盛封泥自
正月始迄九月末又取瓮埋之百日煎丸之卒死者
以此藥內口中水下之皆生服綱藥者非但疾差數
百歲不死沒入地肺山仙去也

出神仙傳

喬天

俞天

盧天

矯氏俞氏盧氏並周之良醫也

出列子及初學記

扁鵲

扁鵲者渤海鄭人也

徐廣曰鄭當爲鄭縣名今屬河間

姓秦名越人

至今天下言脈者由扁鵲也

出史記

子豹

子豹者秦越人弟子號太子死扁鵲乃使弟子子陽厲鍼砥石以取三陽五會有間太子蘇扁鵲乃使子豹爲五分之熨以八減之劑和煮之以熨兩脅下太子遂能起坐焉

出史記

李醢

李醯爲秦太醫令自知伎不如扁鵲遂密使人刺殺之

出史記

崔文子

崔文子者秦時太山人也志好黃老事居潛山下後作黃散赤丸藥賣之都市自言年三百餘歲後有疫氣人死者萬萬許長史請文子救之文子擁朱幡繫黃散以巡人間飲散服丸卽愈所活者以萬許其後去之蜀賣藥故世人云崔文子赤丸黃散近於神也

出列仙傳

安期先生

安期先生者琅琊鄉人也賣藥海邊時人謂之千歲公李少君太山採藥病困殆死遇安期安期與之袖樓散服一錢七遂愈壽始皇聞之召見與語三日三夜賜金璧數千萬出於阜鄉亭皆置之而去

出列仙傳

樓護

漢樓護字君卿齊人也父爲醫護少誦經方本草秘方十萬言長老咸敬重之共謂之曰以吾子之材何不宜學乎由是辭其父學經爲京兆令甚有名譽

漢書

公孫光

公孫光齊淄川唐里人也好醫術爲當時所重初淳

于意就光家求學光悉以教之所授妙方子無以教
人意曰得禁方實幸甚死不敢妄傳光曰爾後必爲
國公吾方盡矣臨淄陽慶其方甚奇異吾不如之可
謹事之必得其方意遂辭光而事慶焉

出史記

陽慶

陽慶山東齊人也傳黃帝扁鵲之脉書診病知人死
生

太倉公

太倉公者齊太倉長臨淄人也姓淳于氏名意少而

有古先道遺傳黃帝扁鵲之書五色診病知人生死
決嫌疑定可治及藥論書甚精悉受其禁方

秦信

秦信者不知何許人也少明敏有度量好經方本草
及黃帝扁鵲之脉書爲當代良醫

王遂

王遂不知何郡人少習經方工於理療以藝業精博
爲齊王侍醫

宋邑

宋邑者臨淄人也率性愛人志尚醫術就齊太倉公

長淳于意學五診脉論之術爲當世良醫

並史記

馮信

馮信齊臨淄人也爲齊太倉長性好醫方精於診處而臨淄王猶以其識見未深更令就淳于意學方意教以按法逆順論藥法定五味及和劑湯法信受之

擅名於漢

出史記

高期

高期不知何許人也入仕爲濟北王太醫王以期術藝未精遣就倉公淳于意學經脉高下及奇絡結俞穴所在及氣當上下出入邪正逆順以宜定鑱石刺